



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De sanctimoniiali, quam per alapam sanauit, cùm iam amore cuiusdam
clericu*s* esset accensa, cap. 34.

urn:nbn:de:hbz:466:1-13177

tuo confortio, subjecit illa: Ego ero vxor tua: accedo ad me, & da mihi osculum. Et coegerit eum, dixitque: Modò initiatæ sunt nuptiæ, & in tali die coram his meo perficientur. Ex quo verbo cognovit eam esse matrem Domini, cuius castitas humanæ congauder integratati. Apprehendensque strepam equi eius, ut ascenderet præcepit, cuius auctoritate miles pressus, obediuit. Ab illa hora tam plenè a tentatione prædicta liberatus est, ut etiam vxor domini sui miraretur. Hoc cum heremitæ recitasset per ordinem, ille genitricis Dei pietatem simul & humilitatem admiratus, respondit: Ego interesse volo diei nuptiarum tuarum, interim de rebus tuis disponas. Quod cum fecisset, & heremita venisset ad diem præfixum, dixit iuuenit: Sentis aliquid doloris? Responde illo, non: cum secundò post horam id ipsum ab eo sciscitaretur, respondit: Modò sentio, qui post paululum agonizans, spiritum exhalauit, & cœlestem thalamum, promissa nuptias celebraturus, intravit.

CAP V T XXXIV.

Iob 41. **Q**Vædam sanctimonialis virgo, à quodam clericō verbis luxuriosis stimulata, in tantum flante Behemoth, cuius anhelitus etiam prunas ardere facit, succensa est, ut corde & ore petitioni eius consentiret, promittens quod dicto completorio veniret ad locum condicuum: erat enim Custos ecclesie. Dicto completorio, cum conuentus ascendisset dormitorium, & illa exire vellere de oratorio, in ipso ostio, Christum manibus in cruce expassis stare conspexit. Cui cum egredius non pateret, ad ostium quod erat in opposito cucurrit. Ita succesa fuerat in amore clerici, ut penè rationis expers, quid circa se diuinitus ageretur, minus aduerteret. Quid plura? Omnes ianuas adiit, & crucifixū in omnibꝫ inuenit. Tunc ad se reuersa, & territa dixit: Forte voluntas Dei nō est ut usquā vadat. Solita fuerat eadē virgo singulis diebus specialē quandam orationem de passione Domini dicere, quā Dominus in tanto periculo remunerauit visione tam utili. Quę tremens ante imaginē beatæ Dei genitricis se pre-

se prostrauit, de peccato suo veniam postulans. A qua cùm imago faciem verteret, & illa obnixiùs supplicatura propriùs accederet, imago maxillam eius manu percussit, dicens: Quò vis ire fatua? vade in dormitorium tuum. Tam fortis erat alapa, vt in terram ruēs sic iaceret, vsque ad tempus matutinale: cùque signa in dormitorio sonarent, & illa in oratorio non pulsaret, putantes eam esse in oratione, vel pressam sopore, intrantes, & in multo defectu illam reperientes, postquam resocillata loqui potuit, omnia, quæ circa se gesta sunt, ad honorem Dei con sororibus suis recitauit. Licet grauis esset alapa, prorsus tamen à tentatione per illam fuit liberata: durus morbus duram requirit medicinam. APOLLONIVS: Valde accendere debet sexum virilem in amorem Dominae nostræ, quod in militie temptationem compescuit, ipsum deosculando: in feminam, maxillam eius feriendo, cùm utriusque voluntas mala fuerit ac peruersa. CÆSARIUS: Per hoc enim ostendit, quod sexum nostrum non abhorreat, imò aequè vt feminine diligit. Magis etiam decet, vt domina ancillam peccantem castiget quam seruum. APOLLONIVS: Placet quod dicis. CÆSARIUS: Referam tibi aliud benignitatis eius indicium, & adhuc isto gloriostius.

CAPVT XXXV,

IN monasterio quodam sanctimonialium, cuius nomen ignoro, ante nō multos annos virgo quædā degebāt nomine Beatrix. Erat corpore speciosa, mente deuota, & in obsequio Dei genitricis feruentissima. Quotiens illi speciales orationes, sive venias, secretiū offerre potuit, pro maximis delicijs reputauit: facta verò custos, hæc egit tanto deuotiū, quanto liberiū. Quam clericus quidam videns, & concupiscens, procari cœpit. Illa verba luxuriæ spernente, isto importuniū instante, serpens antiquus tam vehementer pectus eius succendit, vt flammam amoris ferre non posset. Accedens verò ad altare beatæ virginis patronæ oratorij, sic ait: Domina, quanto deuotiū potui seruiui tibi, ecce claves tuas tibi refig-

Dd 3 no,